

爨 桐 吟 草

卷 三

己酉五十自壽

浪擲光陰五十年一官株守鳳池邊門庭閨寂無人到
硯几清嚴只自賢豈有狂名聞遠近且將濁酒洗迂邐
詩懷似共花爭發漏洩春光輦下傳

追悼座師霍子謹先生

憶從辛卯列門牆往事重提淚滿眶蘇軾操文哭永叔
彭宣何地報安昌一枝桂影人垂老廿載薪傳話最長
贈我琳瑯詩句好搜將遺墨謹收藏

王心齋比部之世父母重拜花燭

紅燭高燒照滿堂孫曾繞膝看新妝百年伉儷天加福

十月霜風夜不涼鳩杖雙扶花外影番筵重設客中觴
懸知猶子開樽日一瓣心香祝永昌

如君眞箇地行仙肯讓劉綱獨占先鶯鶯雙鳴春晝永
芙蓉竝蒂晚風妍蟠桃會上添新詠玉鏡臺邊祝大年
佇看聲名徧都下清詩佳話一時傳

無題

兩情脈脈眼波通密遞飛來九月鴻蟬翼留聲殘月白
鴛針織恨一燈紅隔宵香夢花飛蝶貼地鞋痕跡印弓
記取當時延佇處幻空成色又俄空
歲歲尋春意轉慵忽思貰酒向臨邛路迷桃逕千枝亞

珮解蘭皋一笑逢軟語臨風香豆蔻芳姿出水嫩芙蓉
多情最羨東坡老一箇朝雲早晚從

小院何人警吠彫妝成無語對銀缸乞漿人去腸猶熱
鬪草春歸氣未降蝴蝶過牆誰繪影鴛鴦有夢亦成雙
梅花滿屋香如海合結爐烟篆綺窗

東風吹水碧參差踏徧郊原步更移紅映桃花鶯去懶
綠遮楊柳燕歸遲眉痕深淺臨流態鬢影欹斜照鏡姿
莫說傾城好顏色苧蘿村裏棄西施

輓姚升三先生

鐵人鐵面鐵心肝到死方知獨立難處已居然三代上

待人不肯一分寬霜凝冷被墳前草泉湧波翻筆底瀾
薪盡火傳千載事後生俾作典型看

輓岳母

阿母彌留阿女回驚聞噩耗不勝哀廿年久與慈顏隔
半子曾憐快婿才雪滿孤山揮熱淚月明五夜傍瑤臺
死生離合都如夢古往今來幾劫灰

壽司法某君之母夫人

梅花爭共歲華長花發筵開夜不霜少小幾經兵燹苦
老年喜見桂蘭芳爲因賢子知賢母却在他鄉望故鄉
縱有鮮魚休寄遠報君善政當稱觴

最難盼到古稀時福慧雙修兩得之既以多艱膺厚祉
可知巾幘勝鬚眉不緣詰嗣官聲好那得名流祝嘏詩
天佑善人方未艾縣縣瓜瓞夢先知

輓故友盧進士友琴

自揣遼東一腐儒深慚鴛劣忝眉鬚謬蒙說好心傾頸
始覺臨文膽滿軀別後有懷憑尺鯉夜深無夢見鬚蘇
回思二十年前事老淚縱橫滴不殊市朱切異也又斷絕也

輓故友李雨農孝廉

分明一代謫仙人嗜慾深時誤此身革汝科名須內省
聽君放浪亦皇仁滑稽不讓東方老瑕玷仍推席上珍

一夢黃粱醒也未艱難歷盡倍傷神

王酌笙同年招飲

門第如君世所知過江王謝記當時陸機詞賦誇黃絹
蘇轍文章是白眉綠酒紅燈名士屐高歌痛飲杜陵詩
十年舊雨重相見兩鬢星星各有絲

當年劇恨未相知那料今時勝舊時世事桑田變滄海
書生肝膽照鬚眉電光常繞瑤琊宅郵遞頻傳夢得詩
塓黷茫茫君莫問亡何指口老袁絲

二蟲唧唧意誰知千載交情在一時文字相親無隔膜
郵筒才遞便開眉季方不愧稱難弟子固何曾會賦詩

同是開元舊詞客阮悲歧路墨悲絲

寄懷世仁甫學士

爭先鬪捷逐時新敦篤如君眞古人尙論千秋惟孔孟
高吟五夜祗周秦共推今日逍遙客誰識先朝侍從臣
一室琴書聊自遣返觀身世倍酸辛

寄懷齊廸生侍御同年

昔年鄉舉被恩綸濟濟盈庭三百人浙水衡文露頭角
烏臺進諫動楓宸乾坤俯仰知何世齒髮蒼浪惜此身
我亦歐陽門下士蘇曾一例歎沈淪

寄懷榮祉字農部

冰雪聰明世絕倫當年曾現宰官身陸機崛起開先路
蘇轍居然步後塵事我如兄肝膈赤愛才惟已性情真
于今陵谷都遷變一度思量一愴神

總司令

擁衆稱雄意氣高豈知輕不若鴻毛受恩業已經三世
報德何曾有一毫既以逋逃逃海外那堪司令令群豪
夢中倘憶前朝事記否當年擁節旄

魯靈光

想見先生鬢髮蒼歸然眞是魯靈光廿年踪跡歐洲遠
滿眼荆榛舊殿荒願挈遺黎登衽席不堪回首話滄桑

丹心捧日終無濟長向風前泣景皇

感時

九霄點點起妖星佇待嵩高降百靈劫運未知何日了
醉人盼到幾時醒名稱非不高千古黑白仍然共一枰
我老渾忘老無用作詩蘄動萬方聽

次韵幼樵秋夜感懷

半世勞勞逐利名何如擁卷坐書城撫時感事詩成史
遺慮驅愁酒作兵四壁圖書真蘊藉一窩安樂好經營
從今悟得空空法儒者寧嫌與佛并

無題

花事闌珊花影稀惜花爭忍見花飛方圖漿向雲英丐
那料春隨樊素歸頭上星辰疑昨夜眼中楊柳趁斜暉
明明相識堂前燕小院重來事又非

回頭往事怕重提再到天台路又迷夢覺莊魂甘化蝶
酒闌梧鳳却隨雞風吹茉莉餘香在月上欄杆夜影低
流水落花春去也徘徊小立畫橋西

一庭芍藥際春妍賭酒看花二月天正聽流鶯啼雨濕
那堪棲燕趁風騷落英滿地連芳草粉蝶窺人隔碧烟
燭燼香消無賴夜小闌干外月娟娟

游小河沿有感

危樓傑閣已成塵猶有青山與世新流水未知人事改
夕陽不見漢宮春兩堤官柳餘黃葉一片枯荷帶白蘋
可會悠悠行邁意傷心不忍數游鱗

春詞

分明佛地位中人小劫無端墮業塵花發薇垣成往事
灰飛葭管又新春仰瞻雲日愁侵骨每對烟霞愧此身
寄語山靈休怨我海濱終儻學垂綸

庚子六月感懷

妖氛轉盼薄京城烽火連天人夜驚鬼蜮半成游釜勢
昆蟲尙作仰天鳴安危誰寄愁千斛治亂關懷酒一觥

獨立蒼茫何限恨官卑無計答昇平

中秋

戊申

中庭地白客心驚信有人間不夜城樹上棲鴉留畫稿
天邊旅雁帶離聲桂花照影妝仍澹竹葉添杯酒半傾
一夕秋光千里共年年人月祝雙清

固山貝子花園觀荷

戊申

碧葉田田出水新生來從不染纖塵明湖夜泊涼侵袂
香逕晨游露滿身把酒臨風無俗韻調冰雪藕趁芳辰
一亭花影隨波漾遙睇仙姿似洛神

樹影縱橫花滿陂蘊隆天氣最相宜白連夜雨晴波漾

紅趁朝陽曉露垂覓句詩從盃酒得納涼人逐釣船移
風光莫共吟身老水殿雲廊處處奇

鼓檻中流浮俗氣花香不斷氣如芬光搖淺碧迴輕棹
粉墜殘紅罨畫裙隔岸人家添色相憑空點綴借煙雲
游人到此忘歸去手把蓮杯對夕曛

爛熳韶光水一涯天教好景付吾儕移家水榭依香國
射覆船頭足酒懷房舍幻成千室密衣裳巧製十分佳
年年長共湖山約每到花時眼便揩

賞菊

戊申

昨宵冷露濕庭階夢繞東籬亦自佳但使雲煙供客賞

莫教風雨與時乖捲簾月影侵花影隔座詩懷雜酒懷
漫道區區閒草木無端爛縵徧天街

胡封翁六十壽代齊侍御迪生作

好花開滿錦江春况復聲華與世新萬古烟霞仲衢稿
六旬康健伯鸞身愛蓮結社聯風雅煮茗抄書毓鳳麟
慚愧浙東經過日使車未得拜清塵

一枝丹桂舊曾攀不愛功名祇愛閒蘭蕙栽培佳子弟
亭臺位置好湖山百年伉儷同梁孟一代文章似馬班
我忝詞臣工獻祝願公大藥駐朱顏

贈某校書

碧桃嬌小占芳春
霧裏看花辨未眞
題壁縱然留爪跡
移居仍舊困風塵
閒情未免防陶令
香草終能贈美人
儻買一枝供朝夕
祇疑葉底有鶯嗔

移築香巢別有春
那從夢裡喚眞眞
恰添幾許心中事
莫拂當時鏡上塵
桃葉有心還問渡
柳枝無力慣依人
一聯收入奩中去
檢點塗鴉切莫噴

無題

傳來軟語沁人脾
一種纏綿祇自知
有約未能償素願
無情定不解相思
詩成地老天荒裏
夢覺燈寒酒冷時
一笑拈花都解脫
清池皓月照鬚眉

小院沈沈起暮煙有人閒醉草堂前燕巢錦幕非求侶
蠹傍書叢慣獨眠十月梅花官閣裏一輪明月畫橋邊
綺懷豔體詩千首得步梅村不羨仙

簫聲纔歇又歌聲臥聽譙樓報五更眼底鶯花來夢裏
客中歲月與人爭豈眞日日紅顏戀祇恐星星白髮生
永夜不眠緣底事蘭臺走馬待天明

鬢影衣香何處尋月光如水碧沈沈未知若箇眠雲處
幾竭生平買笑心塵念已隨飛雁盡詩懷爭共暮蟬吟
移花枉費辛勤力悶酒無端只自斟

不羨紅燈照綠鬢中年早把俗情刪何來幻影飄仙袂